

魏叔子文集外篇

叙引

書之有叙以道其所由作或從而贊嘆之或推其意所未盡古者美疵並見後世有美而無疵濫觴而下數十年間叙人之詩若文者旣已駕韓歐滌李杜又必旁及其官祿之榮平生之行誼經濟上本其祖父所以垂統下道子孫之美蓋一叙而其人之傳誌家譜無俟他考已具而又虛文飾詞以附益其所未始有如是則主人色喜而叙之者意滿夫欲人之叙之者使其傳已也叙之者欲傳其人也當其手墨未乾

人之視之固已如大夏毒熱腐魚敗肉之不可近而
一二真美亦卒爲所揜抑而不傳嗚呼是何其計之
左也予諸編中叙最多乞請酬酢之篇雖不敢於古
人比質亦不敢自辱以辱人其類有四一文一詩一
贈送一壽贈送叙莫工於昌黎文叙莫工於南豐而
叙壽者則古未之有明中葉乃盛叙惟壽爲難工易
俗然如歸太僕蕩逸多奇卽何減古人之叙詩文記
山水也然則何爲其不可工也丁巳仲夏日

魏禧自識

嶺南適筆序

閻氏本文錄序

甘健齋軸園稿序

賴古堂集序

梓室遺稿序

鄭禮部集序

黃從生時文序

曆法通考序

萬氏宗譜序

孔立徵文集敘

魏叔子文集外篇卷之八

敘

寧都魏禧冰叔著

諸子世傑與士編次

○周易辨敘

浦子潛夫既作易通十卷又取先代注易之家其合經者錄之不合者據經文辨之雖程朱書一無所附會凡二十卷曰周易辨間出其書示禧而屬之敘古人於易終身焉而後能言雖孔子之聖韋編三絕猶願假數年以學之禧烏足知浦子哉竊嘗聞諸師友

人之言如天又曰如鐘鐘然如鐘鼓然聖人之言則然浦子之辨蓋欲通乎古人而不得不去其隔礙春駁之說以求其獨是古人不能禁浦子之辨浦子亦不禁今後之人之辨其辨而成以爲出師心之智欲求勝于古人則豈浦子意哉浦子歷世久練于物務隱約仕宦安樂患難無不身嘗試然後伏首華門屹屹然窮年而著書彼其所得固有異乎人者吾伯子之言曰天下事理無有窮極古人留不盡之意以遺今人而使今人盡之今人亦知古人不盡之意卽于

盡古人者而留不盡之意以遺後人此則浦子易辨之意也夫

伯兄善伯曰易理至微此獨得其大意不爲玄渺不襲窠臼足稱明淨矣

○○○楊子書釋序

先生諱文影字治文居
於梅水人稱一水先生

楊子書釋既成以授其門人魏禧禧再拜稽首作而
嘆曰吾今而知後世之必可以復三代矣楊子曰何
爲其然也禧曰吾以是書知之夫二帝三王之言天
也傳註百家曆象也天之神化不借助於曆象然曆
象失占則違天而無以前民用是書也綜百家之是
而去其紕駁殫五十年之神明而會通其道故其大
義之昭也如日月之麗天其確乎不可易也如華

嶽之時地其以經世應事也如舟之利水車之濟陸其切近於身心也如菽粟之療饑布帛之禦寒其不可見不可聞也則冥心力索於章句文字之外恍惚乎古聖人之心嗚呼有王者起而欲復斯民於三代則直舉而措之已矣楊子曰三代而後唐虞其可復矣乎禱對曰唐虞去上古未遠人事開而天氣未漓故其治化與天無間堯典曰黎民於變時雍舜典曰四方風動有非三代之化俗所及故其後雖有禹湯文武之爲君益伊尹周召之爲臣而天下已不可復

爲唐虞若夫三代之治聖人以人事救之蓋自夏商
之季浸淫至於周衰其間弑逆蒸報凶慝奸宄如漢
唐以下之變無弗有者故其勢已極於無可加當此
之時有聖人出焉以救之則爲三代之治無聖人以
救之則爲三代以下之亂故曰三代必可復也且夫
禹湯文武皆大聖人其去堯舜不過幾微尺寸之間
而不能躋三代於唐虞嘗觀漢唐文帝太宗爲治萬
里昇平四海刑措幾至於三代矣然其立身致治之
道去三代聖人蓋已千百倍蓰而不可數計嗚呼是

必○世○有○禹○湯○文○武○之○爲○君○而○其○天○下○亦○第○如○漢○唐○極○盛○之○治○而○止○然○後○可○曰○三○代○不○可○復○耳○今○天○下○之○亂○已○極○其○勢○必○有○所○變○三○代○極○盛○之○治○已○數○千○年○絕○於○天○下○其○勢○亦○宜○有○所○復○昔○滕○文○公○問○井○地○孟○子○曰○有○王○者○起○必○來○取○法○是○爲○王○者○師○也○天○生○聖○人○爲○斯○民○主○上○以○禹○湯○文○武○自○期○其○身○下○志○伊○尹○傳○說○周○公○之○學○苟○取○是○書○而○法○之○愚○以○爲○庶○幾○得○三○代○之○所○以○復○楊○子○聞○之○曰○是○予○之○志○也○汝○其○以○是○言○弁○諸○冊○禧○曰○唯○唯○再○拜○而○退○敬○書○爲○序○

丘邦士曰唐虞不可復三代必可復爲論確
有分數而其言寬博溫厚有儒者之風

陸永修曰大議論真識見又極有體要氣勢
真爲名世之言

用也。道山道水。南條北條之施。統此矣。水不行地中。懷山襄陵。則疆界不定。故曰。奠高山大川。治水之功。效海岱。惟青華陽黑水。惟梁。以至肇十二州。統此矣。蓋不言治水而言水之。所以治然而定。貢賦錫土。姓。弼服建官者。天子之事。禹專天子之事。則上無舜人。臣而逼天子。天子尸位無爲。雖舜禹聖人。不可法於後世。而史臣於其終篇也。曰。告厥成功。然後萬世之下。見禹所爲。皆奉舜之命。而不敢自專。其功人臣無成。代終之節也。舜舉之得其人。任之不疑。權專而不

見其逼上功高而不以爲震主人君知人善任之道也。然而成功者聖人之跡其本不在於是。孟子口雖大行不加焉。雖窮居不損焉。禹不受命治水不告成功。而禹之爲禹自若何者。其德足以爲聖人也。史臣於其中篇則特書之曰。祇台德先不距朕行。明乎前之所以成功者本乎此。後之所以保功者由乎此。而禹之興。鯀之殛。皆於是乎在。蓋史氏之書法如此。錢子曰。子之言語書所不逮然實禹貢之綱領其卽以爲序乎。惟錢子隱居好學志當世之務。

故其書

援古證今足以資興利除害者其大旨又見於自序固無煩於余之辭

姜如農先生曰唐虞之史作者幾於聖人禹貢雖夏書而實成於舜時如此洗發洞見聖作本領學問不獨開後人史法也

吳秉季曰議論開闢而文字直起直落格力亦高錢宮聲曰獨將禹貢大義發論直見原本猶之行山表木源流井然手眼高絕卓乎良史之才

○○左傳經世叙

讀書所以明理也、明理所以適用也、故讀書不足經世、則雖外極博綜、內析秋毫、與未嘗讀書同、經世之務、莫備于史、禧嘗以爲尚書、史之大祖、左傳、史之大宗、古今治天下之理、盡于書、而古今御天下之變、備于左傳、明其理、達其變、讀秦漢以下之史、猶入宗廟之中、循其昭穆、而別其子姓、瞭如指掌矣、嘗觀後世賢者、當國家之任、執大事、決大疑、定大變、學術勲業、爛然天壤、然尋其端緒、求其要領、則左傳已先具之

鄒氏古今
經濟之要
盡此數語

蓋世之變也。弑奪蒸報。傾危侵伐之事。至春秋已極。
身當其變者。莫不有精苦之志。深沉之畧。應猝之機。
發而不可禦之勇。久而不回之加。以謹操其事之始。
終而成確然之効。至于兵法奇正之節。自司馬穰苴。
孫吳以下。不能易也。禧少好左氏。及遭變亂。放廢山
中者二十年。時時取而讀之。若于古人經世大用。左
氏隱而未發之旨。薄有所會。隨筆評註。以示門人。竊
惟左傳。自漢晉至今。歷二千餘年。發微闡幽。成一家
言者。不可勝數。然多好其文辭篇格之工。相與論議。

承擇詳博而精於辨覈爲文明健有法自史記漢書
五代史而外豈亦有能先之者哉禧惟天下之勢分
之久則必合上之久則必分而其自合而之分也天
下魚潰肉爛不可收拾當時所號爲豪傑者非有殊
尤絕異之者其德力皆不能相一峻法重斂戰爭不
休生民之苦於是爲極然吾嘗觀分崩之際其人才
每爲特盛蓋天下之治禮法明而風俗厚人心安和
雖有奇才異能皆帖首抑志以就繩墨及其亂也憤
鬱而思動鋌而走險上焉者紀綱法度不立而其下

深心不徒胸具全史而已此書爲世所不可少之
書此叙卽爲世所不可少之文

葉具京曰議論雄暢愈放而愈勁蓋其才易見其
法不易見也

○○○殉節錄敘

嗚呼此知隨州徐公殉一錄也當時州縣吏使盡能
守。死。拒。賊。如。公。賊。雖。強。其。鋒。必。數。折。銳。鈍。而。不。可。用。
群州縣清野堅壁賊勞于攻無所得食其勢可以自
斃何至全楚破陷蹂躪秦豫神京陸沉豈不悲夫獻
賊攻隨州凡十三日公以羸卒乘城出奇兵殺賊力
竭絕援身巷戰攢刃斷脰以死一子二妾諸奴婢從
死者一十八人可謂烈矣天子嘉憫贈官太僕卿
賜祭予蔭生建特祠二褒忠之典于是爲盛州縣吏

官制二篇大文字在其跌宕處可與昌黎張中丞
敘並傳

而起結高古真史筆也

吳野翁曰李公大節海內知之此更爲精義之論
微顯闡幽實關古今至極

丘邦士曰

今庭議論從全理推到一偏獨至發爲雄論者多矣此則從一偏之至推向全處爲名論推偏則多用蘇氏家法推全則又用歐陽家法亦各惟其當也

其爲聖賢仁義道德之言至其所身

率及熟講而傳習者則皆倡優盜賊之術是以君子少而小人多治日少而亂多嗚呼師道喪而君臣父子失其位至于天地崩壞日月晦蝕胥天下而爲禽獸豈不重可哀哉李公之被逮也道出先生家先生命二子輟讀侍左右李公曰此後亦勿令吾兒讀書先生曰書何必不讀特勿學子真讀書耶李公笑曰還須勿令從真先生游也二公雖一時悲憤之言其師弟相期許欣然自喜之情亦足以明其所講習

海內重望、先文貞實介之、今兩公令君、膚公公及
守志締姻、克世其好、讀此文、倍覺誼薄雲天、光增
泉壤矣、

切脈于手之寸口其法自秦越人始然越人對魏文侯曰長兄視色故名不出家仲兄視毫毛故名不出門臣鍼人血脈故名聞諸侯醫家以望聞問切爲要術望色知病此其至神者顧名出鵠下其鍼人血脈固亦得切脈之術而能然耶病之最可見者莫如症然症有必死而反生必生而反死大熱似寒大寒似熱非脈則何以辨之故求之可見者易知而難必求之不可見者易必而難知故王符曰療病者必知脈之虛實韓愈曰善醫者不視其人之肥瘠視其脈之

魏叔子文集

叙

卷八

內篇一

三

劉功定曰數語屹然想見自命

謝曲齊曰此叔子制科策所由作也數語關天下
國家氣運勿徒作文字看

豈不迅哉。然余旣以善病、放廢山中、不能持鉅荷錢、作勤畦圃、日食無所事事、思用其心思、以養穀氣、遂得優游放論、快生平之所欲言、要之引而辟之、聖賢之道、且何如耶。丁亥十月、書於翠微峯之易堂。

丘邦士曰：層次轉換處俱無痕跡，而胸中所欲言處，意致宛然，似歐陽公《內制集》叙。

子孫知友涕泣言曰詒不孝先人之事未終詒死其
不瞑亡何疾愈毅然圖之克以有成嗚呼天下事壞
于因循而成于斷自國達家無不皆然古之人其身
一日未死則皇皇然進德修業若建鼓而求亡子蓋
懼夫少須臾而吾所欲爲終已不可爲也况子孫所
以事其祖父尤吾身之不可一日而釋其責焉者紹
詒其可以法記曰將爲善思貽父母令名必果是故
孝子愛日不獨親存爲然也公諱其志贈太子少保
紹詒字敬熙爲人長者老而好學吳中士大夫所推

秋之氣得其一，皆足以自名，而世之言氣，則惟以浩
瀚蓬勃出而不窮，動而不止者，當之。於是而蘇軾氏
乃以氣特聞。予瞻之，自言曰：吾文如萬斛泉源，不擇
地皆可出，在平地一日千里無難，及其與山石曲折，
隨物賦形，而不自知也。行乎其所當行，止乎其所不
得，不止而乃以氣特聞，氣之靜也，必資于理，理不寔
則氣餒其動也。挾才以行，才不大則氣狹隘，然而才
與理者，氣之所馮而不可以言。氣才於氣爲尤近，能
知乎才與氣者之爲異者，則知文矣。吹毛而駐于空。

文非氣不雄以氣發論真得作者深處

彭興公曰文最與衍氣字乃有真解所謂養氣者
正指此

爭魚魯則疾聲搖頭不自止云

王桀夫曰設色大事皆有生氣欲動

宗文今觀子殆勝之也予往讀朝宗壯梅堂集見有
與任王谷論文書及王谷所作朝宗遺稿敘固心識
王谷然初與王谷飲酒貌朴魯終夜訥訥意以爲鄉
三老挾兔園冊來者爾旣知其姓名又盡讀其文乃
大驚時家伯子在座因相笑曰世何必無丘那士那
士予姊婿其人神明內蘊負絕人之姿文學爲吾黨
冠然土木形骸人不識以爲村老少年負才氣者至
或不與拱揖後乃驚服跼蹐而發赤不能出語然則
貌固不可相士而神明內用者其致工也溪理當有

王谷他日相見其毋交臂而失也

陳椒峰口起十數語已盡古文得失之故通篇用
朝宗作波瀾離合有法又以丘姜點綴愈覺風神

咽其間

巖與人寡合。年踰七十。志不挫。獨好吾兄弟。以爲可與言。雖然。先生高士。非隱者也。是亦惟吾兄弟知之。蔡九霞曰。文字排蕩處。有管荀之遺。而末幅尤自蒼涼。

金孝章曰。此勺庭吃力楊花之文。非遜菴固不足當之。

董吳子曰全作疑陣搖曳竿愈老愈有姿致

聞開元天寶也。然覽先生書牘，則當時天下已不能無事。憂亂傷時，往往見於友朋問勞之間。蓋國家之敗所由來久矣。嘗讀王公世貞首輔錄，朋黨偏私迭勝迭負，自嘉靖繼統後，百有餘年不絕。以至於亡，而明史諸書，禧則又以爲正統以前文質而事實可信者十之八九。天順以後文冗而事多附會可疑者十常五六。吾雖未能博覽廣詢以明其所以然，則讀其書而可以意逆也。禧故嘗欲購前輩諸君子文集，參考輒事以發明是非。然後一代之史可得而議，恨地

僻出游。又購書無資。胸中之疑。終無由自決。先生生
屢世簪纓之後。雖厄於科名。幾得復失。然所與游者
皆當世巨公名流。觴詠游眺之言。往往足以徵國家
得失。此先生集所爲尤不可廢也。先生卒時。璜始八
歲。先生摩其頂。數以目視之。而璜好學能文章。甲
申後。屏處不交人。句不事佛而蔬食者三十年。嗚呼。
先生之教。蓋遠矣哉。

李灌溪先生曰。議論大有關係。而文氣典肅深厚。
卓然典刑之文。

○○○南北史合註序

天下有不可少之書，伏所嘗得見之，皆未板行于世。揚州之興化李廷尉清著南北史合註，錢塘吳文學任臣著十國春秋，附見常熟顧處士祖禹著方輿紀要，吳顧二君余與友讀其書而序之。廷尉公先進，爲忘年交。丁巳七月，福自江右來，揚聞公疾，往省，再讀合註，竟日夜而爲之序，曰：是書也，于世爲不可少者三焉。廿一史文冊浩繁，好學之士有終身不得讀者，是書成，則宋齊梁陳魏齊周隋八史可廢，其甚便于學者一。

事而非有法度文采以輔之則不可傳於後世古之作者必兼此二美故後人尊而尚之雖斷缺消釋其點畫苟有存必寶之不敢棄然其用匪特書法而已歐陽子曰撮其大要別爲錄目因并載可與史傳正闕謬者公博學文章高天下所得助金石不少予則又嘗以謂古人所以可傳不在一點一畫而人情貴古賤今尊虛名棄實事往往不憚鑿山沉澗以求必得嗚呼古人不得見見古人遺跡如見古人使得如古人之人者見之其愛慕當百什於是然世之學士

大。夫。不。乏。愛。古。人。一。點。一。畫。游。覽。之。處。好。玩。手。口。之。
澤。慨。慕。容。嗟。而。於。當。世。賢。人。君。子。能。知。愛。而。重。之。者。
何。不。少。見。也。公。好。士。敏。於。知。人。士。有。一。能。一。才。必。傾。
身。下。之。爲。之。地。其。賢。不。在。好。古。法。書。雖。然。公。年。將。老。
志。壯。天。下。士。屬。望。公。甚。重。吾。願。公。所。好。止。此。不。復。更。
拊。意。而。取。歐。陽。子。所。謂。得。於。有。力。之。疆。者。合。并。用。于。
好。士。則。必。有。奇。偉。特。達。如。古。之。士。者。歸。于。公。當。不。止。
如。今。日。所。得。公。名。濬。號。狄。岳。秀。水。縣。人。寧。都。易。堂。魏。
禧。敘。蓋。辛。亥。仲。秋。日。

秦湘侯曰議論皆從空際轉發無中生有却字字有實義筆力亦如鐵畫銀鈎。書之用不特在筆法則實書之道已難言之况更欲得此以實士乎

○○○宗子發文集序

今天下治古文衆矣。好古者，株守古人之法，而中一無所有，其弊爲優孟之衣冠。天資卓犖者，師心自用，其弊爲野戰無紀之師。動而取敗，蹈是二者而主以自滿假之心，輔以流俗諛言，天資學力所至，適足助其肯馳，乃欲卓然並立於古人，嗚呼難哉！雖然，師心自用，其失易明。好古而中無所有，其故非一二言盡也。吾則以爲養氣之功，在於集義。文章之能事，在於積理。今夫文章六經四書而下，周秦諸子兩漢百家

之書於體無所不備後之作者不之此則之彼而集
宋大家則又取其書之精者參和雜錄鑄古人以
自成其勢必不可以更加故自諸天家後數百年間
未有一人獨創格調出古人之外者然文章格調有
盡天下事與日出而不窮識不高於庸衆事理不足
關係天下國家之故則雖有奇文與左史韓歐陽並
立無二亦可無作古人具在而吾徒似之不過古人
之再見顧必多其篇牘以勞苦後世耶即何爲也且
夫理固非取辨臨文之野窮思力求其必得鍾

太傳學書法曰每見萬彙皆畫象之韓退之稱張旭
書變動猶鬼神不可端倪天地事物之變可喜可愕
一寓於書人生平耳目所見聞身所經歷莫不有其
所以然之理雖市儈優倡大猾逆賊之情狀竈婢丐
夫米鹽凌雜鄙褻之故必皆深思而謹識之醞釀蓄
積沈浸而後發及其有故臨文則大小淺深各以
其類而若決於池之不可禦辟之富人積財金玉
布帛竹頭木屑糞土之屬無不豫貯初不必有所用
之而當其必需則糞土之類和土與金玉同功吾蓋

嘗見及於是。恨力薄不能造其藩籬。自易堂諸子外。不敢輕語人。而長安王築夫。寶應朱秋厓。興化宗子發。嘗相與反覆。一日子發持其文屬子敘。論旨原本六經。高者規矩兩漢。與歐陽蘇曾相出入。子發持高節獨行。古道而虛懷。善下人。他日所極。吾烏能測其涯涘。故爲述平日所與論議者。以弁其端。嗚呼。天下之可語於此者。蓋多乎哉。

秦燈巖曰。提出積理二字。極力發揮。不獨文家篤譜。直爲初學金針。繫辭傳云。夫易廣矣大矣。以言

乎遠則不禦、以言乎邇、則靜而正、以言乎天地之間、則備矣、又曰、近取諸身、遠取諸物、聖人以此論易、今按論文之旨、的的不二、聊爲舉此、以此證文、卽以此證易也、

○○○八大家文鈔選序

諸子世倣，將負笈從游，請曰：茅氏八大家文鈔，卷帙多，唯伯父擇其尤者，俾抄而讀之，于是得若干首，以命倣而告之曰：八大家文，遠者千餘年，近者數百年，言者備矣，自茅氏文鈔出，百十年間，天下學者奉爲律令，予生平尊法古人，至其所獨是，獨非，每不能自貶，以徇古今之衆，故論列或不盡同茅氏，而韓歐陽諸名文，亦往往有所疵議，蓋吾用以私教夫門人子弟，而不敢以出諸人，爲有識所詬笑，然吾聞史記爲

太史公和成之書使太史公而在當必更有改定安
 見韓蘇諸公于其文遂謂一成不可易也古人之文
 自左史而下各有其病學古人者必知古人之病而
 力洗滌之不然者吾既自有其病而又益以古人之
 病則天下之病皆萃于吾一人之身其尚可以爲人
 乎哉吾又嘗謂文章之根柢在于學道而積理守道
 不篤見理不明而好議論以刺譏于人翻古人之成
 說則雖極文章之工取適于已而有悞于人君子蓋
 有所不取退之潮州謝表介甫子固論楊雄明允論

樊噲永叔論狄靄既皆有害其生平而東坡于西伯
受命改元之事論武王引以爲據論周公則闢其謬
妄諫用兵書以唐太宗之征高麗爲戒爲策斷則據
以爲可法明允上仁宗書極言任子之不可于文丞
相書又言減任子非是子由策民事欲行國服論青
苗則極言官貸之害夫理明者辭必簡議論多則意
見亂而自相牴牾者必甚是以三蘇氏之論于古今
爲獨絕而議論之失平亦蘇氏最多孟子曰予豈好
辯哉予不得已也嗟乎人非有不得已之意而好議

論蓋鮮不蹈其失者也予記諸語並示兄子世傑而
因命倣錄于篇端以爲序

兄善伯曰詞格嚴傲如寒霜烈日凌逼莫逃而高
明爽豁之氣乃復令人暢悅○篇中所謂理明者
詞必簡斯有文焉

○○○陽明別錄選序

門人庠復請序陽明別錄。禱告之曰：吾所以序四此堂盡矣。然猶可爲子言者，文成公之成功也。虛已以集衆人之議，謀之也。豫以密而發之，曲以斷。此人之所知也。其曲調人情之至，若惟恐有傷夫一人之私者。此則人之所難知也。夫文成位尊權重，其才智足以籠罩天下，天下事宜斷然爲之，無所瞻顧。迺其于君相、于僚友、下至屬吏、部民，莫不委曲周至，務有以先得其心。若退然不敢自行，夫一事者，吾生平主斷之士，敗于天下之事，意于瞻顧，成于大度，之士敗于

窮大德

大業全在

惟恐傷人

人之私即

刻晏造運

船亦知此

意于瞻顧

天下之事

成于大度

之士敗于

寒食之小人正謂此
就自身感
慨文情低
徊而跌宕

朋友姻黨之間往往忠而獲罪而乃發憤無聊慨然
于世不我知及讀公別錄然後自悔其學之不足也
庠曰可得聞乎曰吾試與子舉其一二崇義新立公
請授縣丞舒富知縣既歷序其行誼與功然猶曰或
子例礙則量授府州佐貳令署新縣事數年之後別
行收選公辭巡撫兼任舉能自代意實主伍文定矣
復以梁材汪鉉並進蓋公既不敢主斷而專舉一人
朝廷或疑有所私屬又此一人苟不合當軸意則一
請不遂勢將用其私人今得其再其次者而用之猶

不矢賢者也。桶岡之役，賊已蕩滅，湖廣兵尚在郴州。公欲止其來，則犒賜其統兵官曰：桶岡天險一鼓而破，固將士用命，亦湖廣兵威有以攝服其心。故巢破之日，不敢四出。夫用兵之道，實有不戰而功多者。不顯其功，則推鋒奪綬而外，誰復宜力？且兵非賊境，則無所掠。吾拒之而不賞，後有調發，孰肯助命哉？今二省夾勦，吾獨成功，卽湖廣之督撫豈能無忌尤不可不平其心也。嗚呼！此皆公所爲曲調人情者，其所以成功不易知者也。若夫告諭公移，雖尋常事，必有深

思切論爲他人所不能言則別錄與四此堂稿皆有之○禧故嘗謂二書當全讀爲有益○選而去存之○非予志也○乙卯七月朔魏禧敬序

丘邦士曰按事發議論頗挾其要而文體則樸而古矣

予作別錄序之三月彭躬庵示以丁明登所輯古今長者錄內載文成公初第時上安邊八策世稱爲訐謖○晚自省曰語中多抗厲氣此氣未除而欲任天下事其何能濟○竊仕刑曹言于大司寇禁獄

吏取飯囚之餘豢豕。或以爲美談。晚自悔曰。當時
善則歸已。不識置堂官同僚于何地。此不學之過。
或問寧藩事。曰。當時只合如此。覺來尚有揮霍微
動于氣者。使今日處之更別。躬庵曰。公語誠然。觀
處兩廣事。空疏便自不同矣。予論公三事。與此意
合。而序已成。不復可引証。附記于此。自記。

○童氏禹貢遺書敘

泰和漱溪之童氏有楚白君者續學好文五經皆有
解以貧教授四方生子幼而君死子且爲僧著書盡
散失僧曰中千名與賢藥地老人之大弟子也四方
士君子甚親敬之而盱江梅君藏君禹貢圖說於兵
燹中以歸與賢與賢執書大慟曰父賁志死吾又且
爲僧吾死父其速朽乎吾何以令吾父有傳也於是
請千里君子王竹亭爲之敘復再拜以屬余于

嘆曰甚矣夫與賢之能用其情也儒者王云以下皆釋氏意作絕骨

肉之親情入骨轉文情可掩一無所用此特其教使之然耳今之僧絕

棄名利外形骸者多有而往往奉養其老父母篤於家之孝子非其天性有不可揜哉與賢不得親而養之乃爲之謀及夫身後之名夫名者不可知者也就令可知而古人以爲身後寂莫之事然旣已不得及身而養則爲之傳其身後之名夫亦情之不得已爾且夫孝子之情於其所不可知而勤勤懇懇以求其必致則推之其親之存凡一切可知之事視膳問安和氣婉容以至視無形聽無聲固未有不極其情者

以矣。與賢之善傳其親也。或曰：今河患孔亟，濱河之民爲魚者衆，必有聖君賢相興起以修禹功者。童君五經解皆散失，而禹貢獨存。天其將以是傳童君使其書有用於世與？予以爲言，河則王子之敘論備矣。予復何言？獨悲夫世之號士君子者，輕棄先世之書而不足惜，甚或懷竊之以爲己名。吾不知其情爲何如，以視與賢，能不愧死入地耶？

蕭孟昉曰：一意曲折澹蕩，使孝子之情悠然感人，不論書而書已傳矣。

○○○四此堂摘鈔叙

門人曾庠請選王文成公陽明別錄竟復請選四此堂稿四此堂者吾伯子東房所爲浙江幕府奏記告諭公移之文也世郡縣吏至方面大臣莫不有客其文字例不自作而是時巡撫范公名承謨字觀公以廉公名震動天下至賑荒蠲賦諸事所活兩浙民數百萬計蓋百數十年所僅見聞而其講求艱處之方文告之辭客與有力焉伯子既摘抄所作歸示兒輩予因得盡觀嘗謂諸子世傑世微曰陽明別錄有識者推服

爲古今文告第一。蓋文成公平賦諸既及區處平服
地方。既其思慮精密。仁之至義之盡。雖聖人復起。無
以過。而文章雄肆。鉅麗。則又漢宋以來。文人所不逮。
其他明健簡切。使言無餘意。筆無溢字。則東房所作。
時或過之。東房天性疾惡。其論爲治也。曰。不去小人。
必不能用君子。不除民之害。必不能興民之利。如治
田者。不斬荆棘。蕪藜。而欲以種良苗。則必不能。故
其生平所建白。規置。往往性於興利。勇於除害。以爲
利民之事。嘗或至於害民。而民害苟除。則雖不興利。

而固已利之。此其說自申韓以至聖人，不能易也。吾嘗觀文成書，開府贛南以來，所當皆盜賊叛逆。其日夜之所思，身之所爲，率皆斬殺攻取，慘酷之事。然其去小人也必使有自容之地，罪人也必使有可贖之路。殺人也必有哀憐惻怛，求其生不得之心。征調戰伐，旁午紛紜，必經營夫厚風俗，興禮教之本。故雖疾惡如仇，除惡務盡，而廓然見天地之量焉。譴然見父母之心焉。雍容寬裕，見儒者之器焉。今夫鉏草所以衛苗而鉏之過甚，或至於傷苗。汗下所以已疾而

治田幸、憐、而、有、主、草、殺、古、法、備、終

弟云通典

過用之亦多。至於益疾是故善治者能使惡人不害民而已足矣。善田者能使惡草不傷苗而已足矣。而草之爲類雖愛苗固不可得而盡除。則亦天理之所兼容人情之必至也。知此說者可以讀東房之誓世傑退以告伯子。伯子聞而是之。遂敬書以爲叙。時乙卯閏五月。

丘邦士曰。暗將別錄轉移。四此堂稿。方是極贊美。四此堂稿處。

兄善伯曰。亦可謂言無餘意。筆無溢字。而寬博春。

客之氣翕然中人

弟和公日文極補瀉之妙。論文成公處皆入髓。
入神之言。

○○信芳齋文叙

吾友王君克承之仲子源字崑繩與其兄汲公以文學名於時崑繩岸異多英氣自其十數歲余輒器之及再來廣陵則崑繩爲文章已成帙作項籍論縱橫馳騁若前無古人者名下士爭譽之余未之許崑繩口不言而意爽然也丁巳秋崑繩謂余廣陵領下須已長四寸目光閃閃逼人比著書高二三寸而崑繩年亦已三十矣再出項籍論則議論多肯要法度老成且曰源往者不自得久而心服先生之言於是縱

觀其文、文之可施於用者十而五矣。崑繩爲人、伉爽
好大畧、爲文多法史漢。吾門人孔生尚典文、最英悍、
余嘗譬之駃騠之馬、然其實用處不及崑繩也。嗟乎、
吾老矣、而崑繩忽入感慨即轉到誠恐處又法崑繩忘不焉今不可爲少。彼鄧仲華、周公瑾、何人
哉。人學問當有變化。少年英發、中晚之歲貴沈深掩
抑、使不顯其光。吾他日以崑繩之文觀之矣。忽結到文上妙

宗子發曰：文不滿三百字而波瀾頓挫、氣韵生動、
妙於法度之文。

○○耕廬文稿引

諸子世倣從予學古文十年得可觀者四十餘篇丁巳暮春予之秣陵倣送予頓江欲以其文請正于世之大人先生予更爲刪定若干首舟中無事嘗與論吾兄弟及兄子世傑之文倣因請曰倣其何如予指江中灘石謂之曰汝文其似此矣倣性狷急勇于事其爲文筆氣亦頗肖吾廬特展拓少耳當其鋒銳所至往往有沒羽之力故其他日可造而至也倣生二十餘月母口授歸去來辭及九歌一二章久之輒能

背誦吾兄弟嘗抱持誘以果餅使歌之聲悠揚可聽
相詫爲英物今忽忽便二十有三所成僅至于是此
失學之過也吾廬幼號遲鈍年十九始好學五年而
幾于成豈非專銳與乃庭老人書

○○三教經圖賦序

棘端之徒齋戒三月而見象之楮葉三年工而後成
列子曰使天地三年爲一葉則物之有葉者寡矣然
而宋人爲之宋之計之不以爲無益者以其巧也
而楚王憚齋戒不得見棘侯黎川劉君茂作三教經
圖是象葉之巧也鄧子爾及序而賦之不憚三月而
齋戒者也無有齋戒以求見則棘侯不必欺楚王楚
人熊宜僚善弄丸手一丸而八丸常在空中無益之
藝也而楚王以敗宋師書曰不作無益害有益老子

俞右吉曰
古而彌雋
瘦而益腴
詭而愈妙
如食餘甘
津液滿口

日當其無有室之用此鄧子所爲賦也見其賦索其
圖索其圖釋其經釋其經奉其教則天地不必不爲
象葉而見棘侯不必齋戒關尹子曰牛臂魚鱗鬼形
禽翼性不及夢夢性不及覺有耳有目有手有臂性
尤矣圖巧於夢賦巧於覺者也故曰人人之夢各異
夜夜之夢各異雖然唯覺者能道之

○○研隣偶存敘

古今之文有有意爲之而工有無意爲之而工古人有言文至無心乃傳其說何也天下未有以無心而爲文者故曰言者心之聲使其無心則文之可不作也久矣而惡乎勤勤然著之爲書且以傳於天下後世然後知所謂無心乃傳無意於傳之而非無意于作之也有意於必傳則將歆然有求知於天下後世之心求知於天下後世則其爲文也必將就其所好避其所惡而不敢毅然孤行其意於天地又或故爲

說特駭異之。說以懾天下後世之人。嗟乎。是二者之
文。雖使幸傳於世。而自有道之士視之。則亦猶夫騷
枝贅疣之附於身已矣。研隣之文曰偶存。是無心於
傳者也。然而風之行於空也。草木爲之傳。其聲木行
於地。而山石曲折寫其形。故曰風木相遭而文生焉。
夫以是爲偶然之事。爾而數者之於天地。則固已長
存而不滅。蘇子瞻之文。古今稱絕作。其與人書。予多
不取。獨李端叔王定國諸篇。風期自然。無意而極工。
雖尋常凌雜之言。無不可。淡味而久傳者。爲韓歐諸

家所未有。嘗讀研隣與子弟書。婚友聞問之作。則不特無意於傳之。而抑若無心作之。其殆庶幾者歟。研隣好客。負氣矜喜。施與表章。古今人文章。久而不懈。以賢豪問天下。乃其文則又已。若是矣。研隣者。秦和蕭子孟昉讀書處也。

彭躬庵曰。前半發獨到之論。後半澹宕而多旨。

○○○首山偶集敘

亦庵中公集其首山之文若詩將授梓人請敘于予
予往自翠微山來候藥地老人畱亦庵信宿坐陶庵
之濯樓二庵相去不數千武地美林水足游賞居者
客游者能文之士必有敘詠宜也青原笑公嘗游而
歎曰西昌諸山此其首乎于是人競稱首山而藥地
又自青原退居于此四方來者益衆中公集其詩文
意將欲以文傳其地耶吾嘗游廣陵登平山望江南
諸山頗暢求所謂平山堂故址雖其土人有不能道

橫山

一棧三轉
中一轉出
人意外故
爲物折

魏棧子文集

卷八

八

而五百年間遐方僻壤小生俗儒無不知有平山堂者豈非以歐陽永叔之故與予嘗笑文章者不朽之物故宮室林樹可毀山川有時改易惟文章則長存然棟宇榱桷之壯鉅甍礎之堅句久者或數百年少者爲年數十而文章之作有甫脫于手未逾時日已号然若朽株敗瓦之不可用則亦安所恃之而其間卓犖俊偉必以爲不朽者則又水火兵寇流離蕩析之災使之中天而不傳于後世嗚呼中公之集是編也不爲不勤至于今而其所有者蓋亦寡矣然天下

又一轉出
飛說論本

之最不朽者莫如人。吾苟身爲傳人，則其文雖漸滅散失，而天下後世猶將咨嗟大息，不遺餘力以求之。求之不得，或存其篇題以紀于藏書之府，甚或僞作以實之。寧沒已之名，而不使古人有不傳之文。中公證道于藥地久矣，與之交如衣布食粟，其傳人也與諸君子之爲傳人者，不乏也。然則首山惡乎而不傳也與。

王竹亭曰：本欲以文傳首山，而文中忽言可恃，忽言不可恃，皆有至理，足使天下文人矜喜愧礪，然

但覺烟波澹蕩爾

陰符昌言序

梁溪王礎臣抱服雄畧隱於吳門之塾予聞而造之
見所爲陰符鉤玄者請歸於逆旅手抄之旣畢遣使
還其書而作書於礎臣曰子之書則善矣所以命名
非也子之書當日陰符昌言不當曰陰符鉤玄書曰
師汝昌言昌言者其義正大其氣昌明謀于心而安
用于身而泰施之國家天下則人情大順福祚畢至
蓋天下之人以陰求陰符子之書獨以陽求陰符陰
符者治世之書後世則專以爲兵書而又施其用兵

魏叔子文集

序

卷八

陰符一

本

之術以用世於是可使父母妻子同室而異心可使
、重、足、秋、向、相、
曲室幃牀森然有兵刀之狀白日之下魑魅魍起而
搏人卒之我不以此虞人人亦以此虞我我以一人
虞人之衆人而人以衆人虞我之一人此固不旋踵
之術也余嘗推古今之大惡有二爲先發之術者或
元、缺、案、所以然處在、一、如、書、
豫乘其危或將取先與或陷以惡其害必至以小過
殺人以疑似殺人爲絕後禍之術者或始欲生之轉
且殺之或自悔其誤怙惡以終之其害必至以一人
之故殺其子孫與其親戚黨與大者弑父與君小者

爲以怨報德。天殃延於累世。惡名垂於宇宙。則皆以陰求陰符之說誤之也。是故以陰求陰符。冬日而抱冰者也。以陽求陰符。冬日而蘊火。挾纊者也。礎臣之書亦既好言不測矣。則皆依於理義。因時達變。以濟其所當爲。天之生物。不過風日雨露。其殺物。不過雷霆霜雪。而天之用。遂已不可測。礎臣報書曰。子之言則吾既得聞命矣。遂書以爲序而歸之。

丘而康曰。曲寫痛發。陰謀之害。如秦鏡照妖。一無遁形。見垣之視臍臍。可指能令奸人見之。廢然而

返此大有關世道學術之文

○○王竹亭文集序

泰和王子竹亭以能古文名於時。天下非常之士則獨稱其志識。丙辰秋予與吾友彭躬菴相見於富田。曰吾往言王竹亭今爲湖西一人無疑。吾今而後其可以死矣。夫子驚歎欲急見之。而竹亭且來中道。病作已。詣余金蓮山。又同避兵於雲塢。所言皆天下偉人大事。並恨相得晚。然竹亭終好古文。相與議論。左史以下各盡其所見。又出平生所爲文使予論定。竹亭之文大小修短各有意思。不苟作。尤長於論古人。

是時竹亭舉進士已七年。其言有抱道窮山之
士所不能言者。天下皆稱竹亭之文爲不朽。不知不
朽者何在。知竹亭之才有用於世而不知其何以用
也。天下奇才志士磅礴鬱積於胸中。必有所發不發
於事業。則發於文章。名理之言。經物濟世之說。在世
人皆可以襲取。獨其所不能名言之故。斟酌古人之
是非。低徊歎息。百折而不忍下。其苦心精思。則亦惟
天下非常之士。可以想見其餘。何足知之。而况於襲
取而僞托之乎。今古文遍天下。莫不自命不朽。然志

識卑陋不出米鹽杵臼之間及夫臨文拘牽萬狀首尾銜決是其終身所經營意皆在於速朽而顧求爲不朽之文噫可歎也雲塢去郡城數十里去孔道數里時郡中大攻戰炮聲徹左右耳而予方敘竹亭之文與竹亭上下古今意氣益激昂閒暇惜躬菴先予去不得使之一論定也

蕭虎符曰本以古文志識二意作柱而出以激折之筆離合之法精思奇氣逼出紙上矣

○ 史學提要序

余客廣陵見友人有史學提要者以四言韻語編貫諸史蓋宋盱江黃公所撰也余嘗讀史至晉五胡十六國苦其紛雜掩卷卽忘而此書條理井井如登秋山以望百川因乞歸教兒輩於是又稍訂其謬闕而註之黃公本吾鄉人余攜此書入江西境溯湖鹵而上見者驚歎以爲秘本爭乞傳寫及余客盱之新城涂氏涂氏故世家其父子兄弟皆博學好古亦云未見此書也嗚呼盱人之書亡于江西而傳于廣陵豈

書之傳有數抑貴遠賤近古今同然又或國家承平
入士習帖帖輕史學遂散失湮滅而無聞耶是書始
上古終宋予因請涂子允恒補撰二篇并爲註與雅
明簡於前書如出一手夫書作于盱留于廣陵而數
伯年後卒以江西人得之盱人補之信乎書之傳其
果有數也黃公名繼善字成性涂子名大訥或云舊
有雪樓程鉅夫序余未之見也

孔伯玉曰低徊婉轉言有盡而意無窮

○○○陸懸圖文叙

興化宗子發陸懸圖以高節能文章名於江北四方
士稱曰宗陸予與子發爲莫逆交叙其文又嘗讀懸
圖文慕之兩過興化皆不值留書與之而去丁巳予
客揚州懸圖得書自泰州來會於是益讀其文矣懸
圖文以直道自任有毅然之色與其爲人相似其論
必關世道法必取裁於古人爲今文章士所不易得
嗟乎懸圖非獨文士也然而可與言文章者非懸圖
誰哉予嘗與論文章之法法譬諸規矩規之形圖矩

之形方而規矩所造爲橢爲掣爲眼音爲倨句磬折
一切無可名之形紛然各出故曰規矩者方圓之至
也至也者能爲方圓能不爲方圓能爲不方圓者也
使天下物形不出於方必出於圓則其法一再而而
窮

言古文者曰伏曰應曰斷曰續人知所謂伏應而
不知無所謂伏應者伏應之至也人知所謂斷續而
不知無所謂斷續者斷續之至也

今夫入壇墠履鬼神之室明神

蕭森拱挺異列若生人之可怖按以人經之法頰脰
廣狹股脚雕尻之相距皆不差尺寸然卒以爲不若
人者俯仰拱挺終日累年不能自變化故也今夫山
屹然崩圯終古而不變此山之法也瀉水于孟孟方
則方孟員則員者水之法也山以不變爲法水以善
變爲法今夫山禽獸孕育飛走草木生落造雲雨色
四時一日之間而數變今夫水瀉於平地必注於龜
流其所不平瀉之萬變而不失今夫文何獨不然故
曰變者法之至者也此文之法也若夫積理以爲文

則吾叙子發論備矣

李艾山曰論文推韓柳與李韋二書爲第一此叙窮微極變有開拓萬古之意可謂後來居上

宗子發曰文一意到底而如夏雲之無定形其段落極脫跳之妙

○○嶺南適筆叙

吾鄉與嶺南接壤予常以謂不足游故吾伯季皆客之予獨未往然聞其地多物產奇異近與順德陳元孝諸子爲神交則欲往而未暇嘉興楊子亦禪嘗游其地以所見聞偶書之久而遂多分爲類自風俗至物產凡二十有五命曰適筆予過蕪湖見之僑寓中若觀山珍海物之錯不出几席而游五嶺之表也古人五雅幾等六經其初箋註蟲魚疏釋山水亦猶楊子之適然而筆而已世遂尊奉之如此是書記事雅

馴得五雅遺意傳之後世卽安知其不逮哉人之學
有大有小二者均不可廢大以止其本小以適於用
故聖人詔學詩曰邇之事父遠之事君又曰多識於
鳥獸草木之名蓋學不可以一端廢如此

然吾今而後

可以終無

游嶺南矣

閑無作曰於小中見大却無恢拓之跡而轉折道
緊

○○閻氏本支錄叙

歲丁巳禱客揚州閻君再彭修齡自淮安奉其本支錄謁禱爲叙叙曰族譜之作上以紀祖宗世次久而不忘下以合其宗人世遠人衆而不失親古之言者備矣人事十年一變三十年爲一世世凡三變矣故家譜率宜三十年一修遠則二世六十年極矣六變而不修則先世之事必遺忘宗人支派必紊文獻必散失丘墓多亡然土著之姓久者千年數百年雲仍聚族而居其事嘗有關於譜牒詳於故老所傳述者

一段言譜
五時修

一段言遷
譜尤重

一段言遷
譜尤重

他或游宦爲寓公或牽車牛服賈遂長子孫或辟地
轉徙南北西東各爲祖禰五服之內相視如秦越人
甚有不知其祖宗所自出姓所由來者故遷族之譜
視土著尤重閩氏受姓相傳爲周昭王少子爲秦伯
曾孫爲唐叔虞後皆遠無所考信修齡之錄斷自元
初遷太原仲寶公始傳七世而遷淮安西渠公之遷
淮也在正德初歷年幾二百宗譜闕焉其當修視他
遷族譜又有急者修齡慨然欲自太原始祖以下暨
遷淮後悉爲譜又當有所釐正而力未逮乃爲本支

以實錄
推次作譜
更法

錄法大宗小宗例立綱舉之以其餘者俟後之人元
初自祁始遷太原嘉節鄒西寨村者曰第一代始祖
仲寶公四世以下耑紀修齡所自出其始分支者曰
第四代祖岱公始分四大股者曰第五代祖珍教公
始分十四小股者曰第六代祖人瑞公遷淮者曰第
七代淮安始祖西渠公通及於第十代叅議公世科
蓋修齡之父也三晉方言稱某支爲某股仍其稱使
大宗易曉而修齡於淮安閻氏世爲宗子故於本支
祖紀載特詳其旁支之開先者并系之賢貴者亦附

一履履從
猶祖似作

吾三代俱

何林滿爲

通篇大波

瀾結束

傳爲圖爲像爲贊爲文皆錄焉嗚呼覽閻氏本支錄
四百年之源流支系燦然綱舉而目張而其文卓然
爾雅詳而不蕪簡而不遺樸屬而能文彬彬然美哉
可謂世譜之良矣蓋自仲寶公○三兄遷太原以耕讀世家
西渠公業鹽筴遷淮而後世稱素封皆代有隱德多
文學士至叅議公大亢厥宗廉正勤耿爲清議所重
修齡甲申後棄諸生以詩名江淮事叅議公孝修齡
子若璩好學能文章比喪母蔬食三年服旣闋哀其
母不忍其父之獨處也不入內而臥起於父者又一

年父諭之十反不肯去。嗚呼修齡修內行篤念先祖。
惇叙二宗年六十寒暑考證繕寫不貫其勞用能承。
於先啓後之人。若璩他日必終父事。修仲寶公以下。
大宗之譜父子濟孝可爲世法。不獨閻氏之宗。禧爰
於修齡請叙而并及之云。

費此度曰古人稱太史公所作世表旁行斜上並
效周譜則譜牒之學其來甚遠史書往往具其法
而後世未之深講也。至于序述詳則易冗而雜簡
則又畧而失此文以遷族之譜爲重命意既切凡

五段序法無不井然辭氣古質中間夾議論處蘊藉迴旋水轉山曲唐宋大家方有此等文字

○○甘健齋軸圍稿叙

程山甘子健齋學道而能文章者也。自六經孔孟之文不可復作，天下聰明好古之士，其言或醇或雜，莫不求工於文，成一家之言，以傳於後世。於是文日盛，而真意消亡，實學中絕。至於宋明儒者，則又以文章爲玩物喪志，而不屑自二三大儒外類取足道其意而止。卑弱膚庸，漫衍拘牽之病，隨在而有。讀者不數行，輒擲去，或相與揶揄厭薄之，以爲戒。然吾嘗爲之求其理，初無悖於六經。考其生平，不可謂非聖賢之

徒而顧令天下後世厭絕其文至如簠觴之食魚肉
之餒敗之陳於其前嗚呼賤亦不文之過也矣孔子
曰言之不文行之不遠於易曰脩辭立其誠立誠以
爲質脩之而後言可文也聖人之於文蓋惓惓矣昔
者先王之制禮也敬而已矣必且辨爲度數品物儀
飾之飾有所謂以多貴者有所謂以少貴者有所謂
以大以小以高以下以文以素貴者聖人之於文亦
然文以明道而繁簡華質洪纖夷險約肆之故則必
有其所以然蓋禮不如是不足將其敬文不如是不

可以明道。孔子曰：辭達而已矣。辭之不文，則不足以達意也。而或者以爲不然，則請觀於六經。孔子、孟子之文，其文不文，蓋可觀矣。奈愧不能學道，竊謂今天下之志於道者，旣心體而躬行之，必達當世之務，以適於用，必工於文章，使其言可法而可傳，嘗與易堂丘而康論文，而康今之有志學道者也。禧之言曰：簡勁明切，作家之文也；波瀾激蕩，才士之文也；紆徐敦厚，儒者之文也。爲儒者之文，當先去其七弊，可濫模而不可晦重，可詳復而不可煩碎，可寬博而不可泛。

術可正大而不可方堵。可和柔而不可靡弱。語可駭
不驚人而不可襲古聖賢之常言。其旨可厲本先聖
先儒而不可搥筆伸紙。輒以聖人大儒爲發語之端。
匡山宋先生見而非之曰。若是則教儒者以作文矣。
先生蓋學道而有成者。嗚呼。此予所以懼夫道學之
不振也。非不振於文之爲不工。而其得失可推而知
也。甘子少多才。風流跳蕩。善歌曲。至不嫌以身試優
伶。壯而好經世之務。嘗自區畫邑田賦。上下有司。行
之毋少變。建議勸山賊爲圖策。口手指畫太吏前。潛

身○起○賊○砦○下○以○知○其○險○易○而○爲○之○計○既○又○慕○其○素○所○
親○善○友○謝○約○齋○先○生○翻○然○委○贄○爲○弟○子○篤○行○茲○以○聖○
賢○爲○歸○近○五○六○年○又○好○與○易○堂○諸○子○講○求○文○章○而○其○
文○亦○日○以○益○進○今○夫○甘○子○凡○三○變○至○於○學○道○而○後○加○
意○於○文○章○其○爲○人○甚○奇○其○文○當○必○有○倜○儻○超○拔○不○可○
羈○縲○之○氣○乃○讀○軸○圖○稿○朗○暢○和○平○冲○然○多○菽○粟○布○帛○
之○味○而○其○正○統○論○文○帝○短○表○辨○了○溪○家○廟○通○濟○橋○記○
諸○篇○則○又○高○勁○有○法○度○爲○近○世○能○文○者○所○難○及○已○酉○
四○月○甘○子○以○書○來○命○予○叙○其○文○予○以○甘○子○有○兼○人○之○

才固當於平日所論議者合而致之以振今日學道之衰而爲之叙之如此

梅定九曰道著爲文於道有得凡所寄托必卓然可觀徒齋以道爲文叔子於文見道實學互相砥礪令人興起

○○○賴古堂集序

櫟園周公既卒之六年、長君在浚、寓書幣於友人汪
楫、以授寧都魏禧、汪君再拜、屬禧爲公神道之文、禧
受書反幣、再拜而謂汪君曰、嗟夫、周公、禧何敢辭、公
之生也、禧兄弟、無葭莩交、公尺牘、選自先徵君以下、
表章獎進者、三世五人焉、他日禧與公同客吳門、心
欽欽然、不敢以布衣見、旣而聞公卒、竊悲悼、將歸山
中、舟過上新河、持曾子止山之書、以辦香入謁、公而
同舟人、歲且盡、不肖泊、遂悵望而去、至今猶不能釋

諸懷也。嗟夫。周公。禘何敢辭。禘竊見古今當代貴人傳誌之文。皆非布衣所作。往年家伯子以疾召禘於浙江之幕。大中丞范公極謙下之。嘗屬禘爲其太傅公傳。禘遂巡以草野辭。常州太守駱公與禘交。卒其子以誌銘請。亦辭。今是以不敢。雖然。公與禘以文章見知。竊請論定公之文。宣示天下。後世將區區報稱之心。君其爲我復周君也。於是益發公賴古堂集。日夜讀之。平生所未嘗見者。凡十之六。不敢諱其不文而爲之叙。曰。士之能以詩文名天下。傳後世者。有三。

資焉曰。記覽之博也。曰。見識之高也。曰。歷年之久也。記覽博。則貫穿經史。馳騁諸子百家。書無所不讀。言有本而出之。不窮見識高。則不依傍昔人之成見。不汨沒世俗之謔。卓然能自成。立歷年老。則積久而變化。生攻苦而神明出。公於三者。亦既恢然其有餘矣。然竊嘗怪是三者。不絕於世。而名天下。傳後世。十不得一焉。其文章之傳。固時命爲之。抑自有故使之然耶。禧伏處山中。幾二十年。出遊東南。交天下之士。亦幾二十年。博觀深思。乃始喟然而嘆曰。嗟乎。有以哉。

隨筆揮洒
無斧鑿痕
以歐陽文
題味

有以哉。夫記覽之博如食者之餐稻粱。啖旨饒也。方
丈之珍。一食輒飽。而無氣以運之。則必積滯而生疾。
故博覽之文。其不足傳者。氣不足故也。夫見識之高。
必不屑於人爲類。然古今傳文。有必異乎衆人之見
者。有不必異乎衆人之見者。不必異而必欲求異。是
猶濟淺淵者。人安舟楫。而吾必涸水以渡。踰崇嶺者。
人履徑術。而吾必緣峭壁以行也。其不溺且顛者。幾
希矣。故高明之文。其不足傳者。好奇而不軌於正。故
也。夫歷年之久。何病哉。久於學問。則其後將不學不

問而囂然自以爲足。故古今以詩文名家者。遑遑至晚歲。則萎爾荒悴。盡失其故。不好學故也。而公則皆異。於是。禧嘗覽公之文。博極羣書。而未嘗好徵引。故實以自侈。其富筆之所至。浩浩瀾瀾。若江河之放一曲千里而不可止。其氣也如是。每命一文。必深思力索。戛戛乎務去其陳言習見。而皆衷於理義。無詭僻矯激之辭。以驚世駭俗。其正也如是。公弱冠成名。年未四十。隱然負三君之望。沾濡膏澤。成一家言。以表見於世者。不可勝數。仕宦旣顯。且跌且振。名日益高。

而服官退食。手未嘗釋卷。延見布衣之士。相與諮詢
議論。聞人有一藝之長。一言之善。則必紀錄而獎譽
之。不問其老穉貴賤。大都僻邑。未謀面。未通名氏之
人。如禱之。父子兄弟。其一也。其老而好學。問如是。嗚
呼。公蒙難。而人樂爲之歿。公歿而天下知名士。僂僂
乎。無所依歸。豈偶然哉。其文之足傳於後世。豈顧問
哉。武進陳進士椒峰。嘗攜禱家集。過公金陵。雪霽東
裝行。公謂陳君曰。且爲三魏遲一日發也。吾方抄錄
未竟。椒峯卒留一日。行。嗚呼。禱兄弟之文。世或有好

者先徵君傳錄嘉言善行未見有人舉似其一二椒
峰出故冊則公所圈注筆墨爛然矣禱敘公文及此
不禁其涕泗之橫流也

屈翁山曰體大而思精中兩喻石轉湍迴有砥柱
千里之勢前後浩瀚闔闢自如又絕似六一居士
集序至感激表章先人處嗚咽淋漓仁孝之思溢
於言外矣如此文可謂有爲而作

○○○梓室遺稿序

予謬以古文教授山中。兄子世傑從講論最久。頗得
窺門戶。嘗能刪除吾文字論。古人亦自出意見相發。
明予爲刻若干首。請正世之大人先生。伯兄旣久客
外。傑于羣從長內外支吾。少讀書善病。丁巳三月。予
客廬陵山中。還書戒勉。欲其卒有成就。不幸逾五六
月而傑以伯兄之變死矣。初傑從季父夜行八十里。
往視父殮。蓋棺之頃。拔佩刀自刺者。再爲人所持。遂
奮拳捶胸死。血結于少腹。目終日上視。腸腹痛。僕不

能立踰二十日，遽死哀哉。吾兄欲紆桑梓之禍，身罹
凶毒，僕以痛父殞命聞者，莫不哀悼嗟惜。而吾兄弟
骨肉之痛，門祚之感，永終天日，無有已時。而僕方以
學之將成，而竟不能有所成也。吾嘗謂吾及門中，唯
傑將來可獨任事讀書處世，足有成立。乃不克永年，
以死可不重哀而痛惜哉。簡其笥中得存稿若干首，
爲續刻而編次之。自吾返勺庭，抑心釋慮以教授諸
穉孫，講藝之際，門人旅進旅退，忽忽四顧，獨亡有是
人。嗟夫子年衰無子，他日嘗以遺稿屬僕及諸書未

行○世○者○爲○吾○次○第○刊○布○而○今○乃○以○其○殘○文○斷○簡○煩○吾○老○人○也○悲○哉○戊○午○九○日○勺○庭○叔○父○禧○拔○淚○書○

門人梁份曰朴直只如說話而文情悽宛百倍

○○鄭禮部集序

吾江右古以文章名天下自前輩衰謝而傳平叔徐
巨源諸名士又相繼卽世數十年間文章之衰甚矣
吾意巖穴中必有藏名山而俟之其人者歟抑吾罕
交士大夫國門有人吾未之見也夫巖穴士獨行孤
立有感憤鬱勃不能已于言而顧沉諸井浮諸江海
者其不盡見于世宜也國門有人則終將見之何以
宜見而久不見意者其有待而流布歟抑亦其子孫
之責歟余庚申卧疾章門鄭子聞慶以名紙款戶禮

聞鄭子好古學而才力能自濟于難士之有用者也
亟延見于榻前鄭子則手奉其所刻先人禮部君遺
集嗚咽以授禧而屬之敘他日讀之文若詩並雅暢
得古人風軌其名于今之世固宜意所謂國門有人
待賢子孫而流布者其在斯歟最後讀與陳元公論
錢虞山明詩選與子弟手札及論漕運而君之學術
見矣讀信民謠戰國策雜詩父老嘆諸作而性情心
術見矣卽其辭格所工雖次山石濠吏子美諸別未
見其孰軒而孰輕也嗟乎子美有言使得如結者十

數輩落落然參錯天下爲邦伯天下治安可俟今使
禮部君內筦國政或出爲方面大吏民生愁苦當未
遽至于是而天不假年中道隕落則豈亦氣運之爲
之耶或疑禮部君筮仕翰林遷禮部並非有民社責
而其發諸文章詩歌者鯁鯁然憫時憂民流連而無
已母寧非出位之言夫君子立言必取其關於世道
民生雖伏處巖穴猶將任天下之責而况其爲士大
夫者乎嗚呼世之士大夫以詩文名天下而憂樂不
出戶庭之內語不及于民生吾未知其性情心術爲

何如也。禧故于闡慶之請不辭力疾而爲之序。禮部
君名曰奎字次公。廣信貴溪人。

門人熊順曰。感慨文章及民生處無限低徊。

○○黃從生時文序

余十一爲時文又十二年而棄去方余之爲之也用
力致精頗號勤苦然平時好爲卓犖不羈之文試場
屋則多瑰麗典博以爲工亦其時然歟而世所推奉
爲先輩大家者余率厭以爲不足效蓋至于今年且
老而不變也而所爲場屋之文則又自厭棄之嗟乎
三四十十年間天下之文數變矣守其故常而不能自
變以適于時是操綦履于越市馬良車堅北轅而求
適楚者也南城黃子從生工詩好古文與余相見于

南州而出其時文屬余敘夫余之不事事也久矣食
貧教授亦間泛覽天下之所爲時文者嘗以是別利
鈍之器今夫樸塊然以木石喻木耳斲以斧斤礪以密石而髹
焉則爲良器用矣璞之與石無以異剖而琢之雕以
文物之表則爲重寶矣是故金鉄金鉄也至鈍也而淬磨之
以爲薄刃木石木石也至頑也而成美器人之于時文亦然
夫言理宗傳註格法取諸成規此亦至拙之事也而
巧者爲之則方中圭圭也而員中璧璧也曲中鉤鉤也而直中繩繩也以
取科名有若養叔于射矢百發而百不失者夫黃子

之十九登賢書以文名于當時無怪也黃子之文于
理也析乎微芒其心與手之相得也若灑榆瀦于地
而轉轂于造父色若四時之華競秀于寒暑而利若
薄刃之入有間也人之欲取資科名者得黃子之文
讀之譬之取火于陽燧而取水于方諸吾知其不窮
爾矣或謂黃子當專志一氣于時文不當好古文爲
詩以亂其心余曰不然歸太僕有光以時文冠三百
年自其爲孝廉時古學已名天下或又謂今之爲時
文不必工如黃子而取科名者纍纍也余笑曰子不

見乎韓子之言射乎韓子射、上、射、作、掉、尾、特曰童子彎弓而射其發也
中毫末使復之則不能吾之言黃子之文夫亦爲乎
其欲復之者也

門人薛需曰不立規格而隨筆排蕩文凡十五比
喻參錯鈎連此淮南子之一班也

○○曆法通考敘

士于經世之務唯律曆學非專家雖高才博學不能
通其微余資性愚下又不能學律曆數算諸家茫昧
無所知自非終身從事不能至也則不如勿學已矣
然能通其學者見之未嘗不服而自媿余養病金陵
與宣城梅子定九相見于王子璞庵之南樓定九不
以余爲不知出示曆算諸書算書將次刊行而曆法
通考世未之知也余旣不知曆學不能言其精微之
處覽其大綱自太初曆以降凡七十餘家皆陳載而

論斷之以求衷乎其不可易梅子之輟羣書而攻苦
于是者幾二十年矣余嘗聞諸師友後人之勝于古
人者唯曆法世愈降而愈精密蓋創始者難爲智繼
起者易于神明理固然也天地之運雖有成法可測
量而必有其不齊不能盡知之故雖聖人不能以一
成而永定夫元氣運用過與不及天地恆有其不能
自主之時此所謂不可知之神也故造曆者雖甚精
必不能不久而差而有待于後人之更定然不考古
以察其原就今以求其不易則遞傳至後世將益無

所考証而欲有所更定者道無由施然則梅子是書
豈僅足以備一代之史前當日之民用而已哉余故
不辭而爲之敘使天下知有是書必有能爲梅子刊
布且實見諸施行者非能敘梅子之書也余姊婿丘
邦士天資高于易數曆學及泰西算法不假師授皆
能造其微桐城方密之先生嘆爲神人所著曆書未
就而卒惜夫邦士不及見梅子之書而爲之敘之也
王璞庵曰元氣運用有不能自主之時及必有不
齊不能盡知諸語豈獨于曆得其精要凡天下事

理皆如是也一結煙波繚繞唱嘆無窮

蔡鉉升曰文從虛處結撰而得實理其歎然自退
托處文之質厚于此益見

○○萬氏宗譜敘

寧波萬氏得姓自春秋晉畢萬洪武初先禮公以從龍功受爵爲定遠始祖榮祿公以授世職寧波衛爲寧波始祖寧波某世孫斯大重脩萬氏之譜旣成屬常熟顧祖禹請敘于寧都魏禧魏與萬皆出自畢其初蓋同姓也不得以不文辭按萬氏譜作于天順間四世祖竹窩公某嘉靖間斯大高祖鹿園公某

萬曆間大父瑞岩公某兩脩之斯大因其舊補瑞岩公所未及而益擴大之其爲內集者卷有六曰姓

源曰始祖錄曰世系圖曰宗子圖曰家傳曰世恩錄
曰崇祀錄曰先塋錄曰遺容錄曰祖訓錄曰冠昏儀
曰喪葬儀曰祭祀儀曰祠堂儀曰厚族儀曰家集錄
曰世澤錄曰遺跡考爲外集者卷有四曰存徵錄曰
藏書錄凡十卷萬氏之世業于斯爲備有倫有要有
質有文世之爲宗譜者蓋未之見也斯大高節博學
好稽古禮儀酌于時以定畫一之制嘗著學禮質疑
一編所論宗法喪服諸禮最悉禘性愚陋不能搏涉
古典而于古先聖王之制如始歿之後祭之爲尸



庶人不得祭二世祖以下繼統者必繼宗爲人後者以伯叔稱其本生父母諸如此類皆竊以爲未宜而與同時儒者議論往往齟齬不合禘自分學疎行誼闕然非足與于議禮之列故不敢擱然特著之文辭以與天下相質是然而重宗子合族收族諸禮則嘗見先徵君親講求而躬行之雖未能盡合古法其意固已不相刺謬今讀斯大諸圖說叅之萬氏之譜其可謂通儒之講于禮者矣禘嘗以爲天下之治必興小學而重族法所謂族法者非徒別其昭穆尊卑收

其散合其疎也。蓋族必有師而宗必有長長以齒與行而師以賢族之子姓畢聽命于一二人其或有爭必聽斷于族族不能斷然後訟于官大不率至敗倫傷化者則族師聲衆而殺之無罪吾寧之北鄉姓聚族而居其族法尚有存者子弟爲盜則族長鳴鼓於宗廟衆執而納諸籠中以投於河蓋人之善惡雖謬巧未有能遁其宗族者孝弟凶逆之與否貧富之力守分非爲之殊能自幼壯至老死族之人無不習而又以其族之父兄各治其子弟用力簡核實精而收

功速誠能舉行此法則小可以簡郡縣之訟大可漸次行鄉舉里選之政此吾敘萬氏譜而深有望于天下之世家大族身率而力倡之也

徐孝先曰敘處僕而古族師族議尤足補古禮所未備爲近世族法所急也

○○孔玄徵文序

余於天下士最愛有英氣者於文亦然新城孔生尚
典其人與其爲文則皆稱是初孔生爲時文卓犖縱
恣不受繩尺而天下皆尚爲拘牽靡弱之文其黨里
皆以孔生爲背於功令終無所於成其家至欲使之
徙業孔生乃私屬人以其文質予予覽而驚嘆曰此
他日名進士也一邑盡譁及其試於府於督學皆第
一而人始信孔生爲真能文矣孔生好論古今之故
間以其所以爲時文者爲古文其高論偉識往往疊

見於尺幅之間如河朔少年乘駛驥之馬而馳驟乎
康莊其鋒之銳能使千夫辟易而不可近孔生好學
深思以輔其所不足其文之日工其可量乎哉夫英
氣者可用而不可恃久頓則鈍而數用則敝者也辟
猶錐之末而劍之刀夫錐末利而其本不强則不可
以鑽木石劍刃薄而其脊不厚不可以斷犀兕嗚呼
蓋不獨文章爲然矣

弟和公日平序處有生致末段精而銳通篇疊用
十四其字爲文法